



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

CCXLIX. Kaiser Otto III. vereignet zu Arneburg dem Erzstifte Magdeburg
das Burgwart Nirechowa, am 13. Juni 997.

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

CCXLVIII. Kaiser Otto III. bekundet einen zu Arneburg mit dem Erzstifte Magdeburg getroffenen Gütertausch, am 5. Juni 997.

In nomine sanctae et indiuiduae Trinitatis. Otto diuina fauente clementia Romanorum Imperator augustus. Omnium fidelium nostrorum tam praesentium quam et futurorum nouerit sagacitatis industria, qualiter nos ob remedium animae nostrae et parentum nostrorum nec non ob petitionem Gisilharii, sanctae Magidiburgensis aeclesiae uenerabilis archiepiscopi de quodam predio Hitzilnheim nuncupato ad sanctum Mauricium pertinente concambium fecimus quandam nostrae proprietatis curtem Sigdri dictum ad eandem sancti Mauricii donantes ecclesiam, in pago Angri nominato, ac comitatu Bernhardi ducis sitam, Atque eandem curtem cum omnibus utensilibus suis, quae patris nostri scilicet celebris memoriae Ottonis imperatoris augusti temporibus et nostris ad eundem locum pertinuerunt, hoc est in censu, quem liberi homines ad predictum locum perfoluerunt, areis, aedificiis, terris cultis et incultis, agris, pratis, campis, pascuis, siluis, uenationibus, foresto, aquis aquarumve decursibus, molendinis, piscationibus, uis et inuis, exitibus et reditibus quaesitis et inquirendis cunctisque aliis appendiciis, quae adhuc dici inueniri aut nominari possunt, eidem aeclesiae Sancti Mauricii tradidimus eo tenore, ut eiusdem loci archiepiscopus de praefata proprietate ad usum ecclesiae liberam faciendi, quod uelit potestatem habeat. Et ut haec nostrae auctoritatis traditio nunc et in futuro perseueret hanc paginam manu propria corroborantes, sigillo nostro signare iussimus. Signum domini Ottonis inuictissimi Imperatoris augusti. Hildibaldus Episcopus et cancellarius uice Uuilligisi archiepiscopi noui. Data nonas Junii, anno dominicae incarnationis D. CCCC. XCVII. indict. X, anno autem tercia Ottonis regnantis XIII, imperio primo, Actum Arniburg.

Höfer, Ehrhard und von Medem, Zeitschrift für Archäologie II. S. 355.

CCXLIX. Kaiser Otto III. vereignet zu Arneburg dem Erzstifte Magdeburg das Burgward Nirechowa, am 13. Juni 997.

In nomine sanctae et indiuiduae Trinitatis. Otto diuina fauente Clementia Romanorum Imperator Augustus omnium fidelium Nostrorum tam praesentium quam futurorum nouerit sollers industria, quomodo nos ob petitionem et interuentum Gisilharii sanctae magadaburgensi ecclesiae uenerabilis archiepiscopi quoddam nostrae proprietatis burguardium Nirechouua dictum in prouincia Chutizi ac comitatu Eggihardi marchionis situm ad sancti mauricii ecclesiam, quae est in predicta ciuitate magadaburg constructa, donauimus, atque id ipsum burguardium cum omnibus suis pertinentiis in mancipiis utriusque sexus, areis, campis, pascuis, siluis, uenationibus, aquis aquarumve decursibus, piscationibus, molendinis, uis et inuis, exitibus et reditibus quaesitis et inquirendis cunctisque aliis appendiciis, quae adhuc nominari possunt, praetitulatae ecclesiae sancti mauricii in proprium tradidimus. Eo uidelicet tenore ut ejusdem loci archipresul de jam dicto burguardio liberam de hinc faciendi ad usum ecclesiae quod uelit potestatem habeat. Et ut haec nostra imperialis donatio nunc et in futuro tempore firma et stabilis permaneat, hoc praeceptum inde conscriptum sigilli nostri impressione signare iussimus, manuque propria ut infra uidetur corroborauimus. Signum Domini Ottonis Gloriosissimi Imperatoris Augusti. Hildibaldus Episcopus et Cancellarius uice Uuilligisi Archie-

piscopi Recognovi. Data idus Jvn. Anno dominicae incarnationis DCCCCXCVII, Indictione X, anno autem tertii ottonis regnantis XIII, Imperii vero II°. Actum Arnoburg feliciter amen. ,

Gercken's Cod, III., 42.

CCL. König Heinrich II. übergiebt die Stadt Arneburg nebst der Benedictiner Abtei und deren Zubehörungen dem Erzbisthume zu Magdeburg, im Jahre 1006.

In nomine sanctae et indiuiduae trinitatis Henricus, diuina fauente clementia rex. Ex quo regiminis huius curam deo annuente suscepimus Et pia saluatoris nostri admonitione edocti in ecclesia magdeburgensi, quae parentum nostrorum labore et deuotione iam floret adulta nosmet deo sanctoque martyri mauricio, cuius suffragio et meritis ab infantia sustentamur, in seruum obtulimus et nos ejus stipendiarium fecimus frequentis seruitutis et utilitatis obsequium ex eodem loco eiusque dignissimo prouisore Taginone habuimus. Huius ergo tam magni beneficii non immemores neque ingrati praecordiali merore tam diu suspendisse dolemus, quod locum illum, quem toto corde diligimus, aliquo proprietatum nostrarum carismate non amplificauimus. Qua propter omnibus fidelibus nostris praesentibus scilicet et futuris notum esse uolumus, quod nos ob interuentum dilectae coniugis et consuetalis (sic) nostrae chunigunde et propter strenuissime seruitutis officium, quod fidelis noster Tagone (sic), Magadaburgensis ecclesiae archipraeful, non tantum nunc uerum etiam antequam ad istum ordinem promoveretur, exhibuit, propter hoc et ne inutilis serui flagitium subeamus, beneficia domini sui sine reparatione muneris aut seruitutis consumentis, ciuitatem aernaburch totam in pago beleseim (al. belesem) in comitatu autem Werinzone sitam, cum omnibus praediis (al. praefidiis) siue pertinentiis, quae abbatiam ibi prius constructam respiciebant, hoc est areis, uillis, pascuis, campis, siluis, uenationibus, forestalibus, terris cultis et incultis, aquis aquarumue decursionibus, piscationibus, molendinis, uis et inuis, exitibus et redditibus questis et inquirendis, ad seruitium dei sanctique mauricii ecclesiae Magadaburgensi pro animae nostrae redemptione tradimus atque donamus. Insuper autem tradimus eidem ecclesiae metropoli centum et LX mansos, quorum centum de Ziazone clerico nostro, filio brunonis comitis cum medietate ciuitatis aernaburgensis, LX autem cum medietate alia ciuitatis ab unecone comite acquisimus: istam autem traditionem in eodem pago et in comitatu Werinzone sitam cum priore eo pacto facimus et confirmamus, quatinus fidelis noster archiepiscopus Tegenus (al. tageni), qui haec apud nos et maiora promeruit, omnesque sui successores, sine alicuius contradictione, liberam habeant potestatem, in suprascripta ciuitate aernaburch, canonicorum congregatione collecta, praepositum, qui sibi placuerit, prouisorem eidem ecclesiae constituere et collocare. Nullam ibi dux aliquis aut comes aliquis aut aliqua persona iudiciaria potestatem exerceat, excepto aduocato, quem archiepiscopus Tegenus (al. tageni) sui que successores elegerunt. Bannum etiam nostrum super eundem locum omnemque utilitatem, quae ad nos inde iure pertinere uidetur deo sanctoque Mavricio suaeque sedis archiepiscopo Taginoni (al. Tegenoni) eiusque successoribus concedimus atque donamus. Si quis autem praesumptorum hanc traditionem nostra iussione conscriptam nostraque imagine sigillatam ac secundum consuetudinem manu nostra roboratam infringere uel inquietare aut etiam penitus a sancto Mavricio auferre temptauerit in die iudicii perpetuo anathemate constrictus cum iuda proditore aeternis supplicii deputetur. Signum domini Henrici secundi gloriosissimi regis, Bruno cancellarius uice Willigisi